



საქართველოს მთავრობის განკარგულება

N/568 2019 წლის 10 ივნისი ქ. თბილისი

შპს „ქართლის ქარის ელექტროსადგურის“ გასხვისებისთვის საჭირო
ღონისძიებების გატარების შესახებ

1. დაევალოს საქართველოს ეკონომიკისა და მდგრადი განვითარების სამინისტროს, უზრუნველყოს შპს „ქართლის ქარის ელექტროსადგურის“ 100%-იანი წილის აუქციონის გზით გასხვისებისთვის ახალი სამოქმედო გეგმის შემუშავება შპს „ქართლის ქარის ელექტროსადგურის“ პარტნიორებთან – სს „საქართველოს ენერგეტიკის განვითარების ფონდსა“ და სს „საქართველოს ნავთობისა და გაზის კორპორაციასთან“ ერთად.

2. ამ განკარგულების პირველი პუნქტით გათვალისწინებული დავალების უზრუნველსაყოფად, საქართველოს ეკონომიკისა და მდგრადი განვითარების სამინისტრომ, მოწონების მიზნით, წარმოუდგინოს საქართველოს მთავრობას შემუშავებული სამოქმედო გეგმა.

3. მოწონებულ იქნეს შპს „ქართლის ქარის ელექტროსადგურსა“ და სს „ელექტროენერგეტიკული სისტემის კომერციულ ოპერატორს“ შორის

გასაფორმებელი შეთანხმება 2016 წლის 10 მაისის „ელექტროენერგიის გარანტირებული შესყიდვის“ ხელშეკრულების ცვლილების შესახებ.

4. მოწონებულ იქნეს საქართველოს მთავრობას, სს „ელექტროენერგეტიკული სისტემის კომერციულ ოპერატორს“, სს „საქართველოს სახელმწიფო ელექტროსისტემასა“ და შპს „ქართლის ქარის ელექტროსადგურს“ შორის გასაფორმებელი შეთანხმება 2015 წლის 16 ნოემბრის ურთიერთგაგების მემორანდუმის ცვლილების შესახებ.

5. „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 27-ე მუხლის შესაბამისად, ამ განკარგულების მე-4 პუნქტში მითითებულ შეთანხმებაზე საქართველოს მთავრობის სახელით ხელმოწერის უფლებამოსილება მიენიჭოს საქართველოს ეკონომიკისა და მდგრადი განვითარების მინისტრს, ნათელა თურნავას.

6. ამ განკარგულების ძალაში შესვლისთანავე, ძალადაკარგულად გამოცხადდეს „სს „საქართველოს ენერგეტიკის განვითარების ფონდისა“ და სს „საქართველოს ნავთობისა და გაზის კორპორაციის“ მიერ განსახორციელებელი ღონისძიებების შესახებ“ საქართველოს მთავრობის 2017 წლის 22 ივნისის №1257 განკარგულება.

7. ამ განკარგულების მე-3, მე-4 და მე-5 პუნქტები ძალაში შედის შპს „ქართლის ქარის ელექტროსადგურსა“ და ევროპის რეკონსტრუქციისა და განვითარების ბანკს შორის 2016 წლის 30 სექტემბერს გაფორმებული სესხის ხელშეკრულების ცვლილების შესახებ შესაბამისი შეთანხმების გაფორმების დღეს.

პრემიერ-მინისტრი



მამუკა ბახტაძე